



Tingvoll kommune
Midtvågvegen 2
6630 TINGVOLL

Sjøområdeplan for Nordmøre. Fråsegn ved andre gangs offentleg ettersyn.

Vi viser til brev av 17.02.2017, med samordna høyringsfråsegn, der vi fremja motsegn på vegne av Statens vegvesen, Fiskeridirektoratet og Fylkesmannen. Statens vegvesen og Fiskeridirektoratet har meldt tilbake at dei ikkje har motsegn ved andre gangs utlegging av planen. Dei sender eventuelle faglege merknader i eige brev.

Fylkesmannens merknader til det reviderte planframlegget.

Kommentarar til tidlegare motsegnspunkt:

1)Konsekvensutgreiinga.

Manglande vurdering av samla verknader.

I planomtalen kapittel 6 er det gjort ein gjennomgang av samla verknader for dei viktigaste tema. Vi er klar over at det å vurdere dei samla verknadene av ein så omfattande plan er utfordrande og vi vel å akseptere den reviderte konsekvensutgreiinga slik den no ligg føre. Motsegna kan derfor trekkast.

2) Smøla kommune. *Fleirbruksområde VKA16 Ytre/omkringliggende farvatn.*

Arealet er noko redusert, men store deler av området er framleis vist som fleirbruksområde VKA. Vi registrerer likevel at ein del viktige fiskeriinteresser og naturverdiar no er vist som omsynssoner. Under tvil vel vi derfor å trekke motsegna, men viser til utfyllande kommentarar under Smøla kommune lenger ned i fråsegna.

3) Naturmangfald. *Registreringar av ålegras og korallførekomstar må visast i plankartet der dei kan vere i konflikt med ny arealbruk. Det må nyttast omsynssone med tilhøyrande retningsliner. Motsegna gjeld for område i kommunane Eide (korall), Gjemnes (korall) og Smøla (ålegras og korall).*

Registreringane av ålegras og korallførekomstar er no vist i plankartet og gitt eigne føresegner (pkt. 44. H560 – Bevaring av naturmiljø). Motsegna kan derfor trekkast.

4) Føresegner.

a) Planføresegnene må stille krav om at Retningslinje for behandling av støy i arealplanlegginga (T-1442), med gitte støygrenser, skal gjelde for planområdet.

b) For fleirbruksområde i terskelfjordar med dårleg vassutskifting må det stillast krav i føresegnene om at det kun er aktuelt med oppdrett der det ikkje skal fôrast/har utslepp til sjø.

Dette gjeld:

- Aure kommune. VKA21, VKA25 og VKA47
- Halså kommune. For fleirbruksområdet VKA 08

Føresegnene er no justert/supplert i forhold til motsegna i pkt. 4 a) støy og 4 b) fleirbruksområde i terskelfjordar. Motsegna kan derfor trekkast.

Merknader til nye område/endingar i plandokumenta ved andre gangs offentleg utlegging:

Føresegnene

Fylkesmannens motsegn til føresegnene er tatt til følgje (sjå merknadene over).

Vi har elles ikkje vesentlege merknader til dei reviderte føresegnene.

Aure kommune

Det er gjort ein del justeringar i kartet der det er lagt inn område med arealbruksføremål V (fleirbruksområde utan akvakultur). Formålet er å prioritere aktive fiskereiskapar i desse areala. Dette gir ein reduksjon av område til akvakultur i forhold til tidlegare. Vi har ikkje merknader til desse endingane.

Det er vidare vist ein ny/utvida oppdrettslokalitet ved Berrøya/Gjerde og ein ny oppdrettslokalitet Indre- og Ytre Fiskholmen. Vi kjenner ikkje til registrerte naturverdiar eller viktige friluftsiinteresser som blir direkte rørt av eventuell oppdrett i deler av desse områda. Det er likevel registrert hekking av svartbak (art med særleg stor forvaltingsinteresse) på Gavlskjeret rett nord for lokaliteten Berrøya/Gjerde. Tilsvarende er det registrert fleire artar av stor forvaltingsinteresse på holmane rundt lokaliteten Indre- og Ytre Fiskholmen. Anlegg og eventuelt andre installasjonar må ikkje plasserast for nære land. Generelt vil vi tilrå ein avstand på 100-200 m for å sikre at fugl ikkje blir forstyrra. Dette må det takast omsyn til ved avgrensing av desse areala. Konsekvensutgreiinga viser elles at begge lokalitetane kan kome i konflikt med fiskeriinteresser.

Føresegn for fleirbruk i terskelfjordar er justert i forhold til vår motsegn. Denne kan no trekkast. Vidare er registrerte ålegrasområde vist som omsynssone H560 slik vi bad om.

Averøy kommune

Plankartet er endra ved at omsynssone H560 «bevaring av naturmiljø» rundt korallrev og ålegras er innteikna, samt faresoner for høgspontanlegg. Dette er i samsvar med våre merknader til planen. Det er også innteikna bestemmelsesområde for låssettingplassar. Vi har ikkje merknader til dette.

Eide kommune

Det er gjort endringar i planføresegnene (pkt. 3.1.1.B) ved at lokalitetane VKA2, VKA3, VKA4 og eksisterande H190-05-1551 Krekvikbogen er kome inn i omsynssone for vern av vill laks og sjøaure. Her blir det ikkje tillate med nyetablering av oppdrett av anadrome artar. Fylkesmannen er positiv til denne endringa. Vidare er korallførekomst vist som omsynssone H560 og tidlegare motsegn kan trekkast.

Gjemnes kommune

Plankartet er endra ved at omsynssone H560 «bevaring av naturmiljø» er tatt inn. Dette er i samsvar med våre tidlegare merknader der vi hadde motsegn til planen inntil korallførekomst vart vist. Vidare er det gjort justeringar av nokre fleirbruksområde VKA, der dei m.a. er trekt ut til kommunegrensa. Vi har ikkje vesentlege kommentarar til dette.

Halsa kommune

Tidlegare område for «vern av vill laks og sjøaure» er tatt ut av planen. I dette arealet skulle ein ikkje ha auka kapasitet og ingen nyetableringar av anadrome artar. I vår høringsfråsegn stilte vi oss klart positive til ei slik tilnærming og viste at dette ville vere i samsvar med den tankegang miljøforvaltinga tidlegare har fremja for dette området. Vi vil derfor klart rå til at ein vurderer å ta inn dette «verne»arealet på nytt. Vi registrerer «verne»området framleis ligg inne på Tingvoll si side av det same fjordområdet. Det vil klart svekke intensjonen med dette planformålet når berre deler av fjorden blir omfatta.

Vidare er føresegn for fleirbruk i terskelfjordar justert i forhold til vår motsegn, slik at denne no kan trekkast. Også registrert ålegrasområde er avmerka som omsynssone H560.

Kristiansund kommune

Ytre farvatn er endra frå V (fleirbruksområde: natur, ferdsel, fiske og friluftsliv) til VKA 10 (fleirbruksområde som i tillegg inkluderer akvakultur). Konsekvensutgreiing for det endra planformålet var ikkje lagt ved utsendinga av planen, men vi har i ettertid fått denne tilsendt. Endringa er ei harmonisering med planformåla i nabokommunane som alle har VKA i dei ytre kystfarvatna. Vi vil ikkje gå imot ei slik tilnærming, men finn grunn til å vise til vår tidlegare fråsegn:

Akvakultur i fleirbruksområde (VKA) skaper mindre planavklaring og større usikkerheit knytt til framtidig plassering av oppdrettsanlegg. Dette er også vanskelegare å konsekvensutgreie. Jo større områda er, jo meir utfordrande blir det. Med dei store fleirbruksområda som planen viser, særleg i enkelte av kommunane, er arealbruken i mindre grad avklart. Tiltak i desse områda vil derfor i stor grad avgjerast gjennom sektorloverket. I praksis gir derfor kommunane frå seg styringa over arealbruken og overlét avgjerslene til konsesjonsmyndigheitene. Etter vårt syn er dette mindre føreseieleg for dei ulike næringsaktørane, innbyggjarar osv.....

Neset kommune

Etter det vi kan sjå er det ingen endringar for Neset kommune ved andre gangs offentleg utlegging av plandokumentet.

Smøla kommune

Plankartet er korrigert i forhold til verneplan Smøla. Sone A=VKA og sone B=V. Dette er i samsvar med vernereglane for Sør-Smøla landskapsvernområde.

Ved første gangs utlegging fremja vi motsegn til det store fleirbruksområdet VKA16 som omfattar store delar av havområda rundt Smøla. Vi peika på at konsekvensutgreiinga i for liten grad avklarar arealbruken. Området har no endra namn til VKA 1573 *Ytre/omkringliggande farvann Smøla*. Ut over det kan vi ikkje sjå at vår motsegn er direkte kommentert og konsekvensutgreiinga er ikkje endra. Vi registrerer likevel at ein del viktige område for fiskeriinteresser og naturverdiar er kome med som omsynssoner. Dette er positivt. For vår del gjeld dette særleg førekomstar av korallar og ålegras som no er vist som omsynssone H560. Vi har tidlegare peika på at så store fleirbruksområde gir ei dårlegare avklaring av arealbruken (jfr. merknadene til Kristiansund over). Når ein opnar opp for VKA i dette store arealet må eventuell ny oppdrettsverksemd avklarast i kvart tilfelle og i større grad vil ein overlata dette til sektormyndigheitene. Vi vil framleis rå ifrå at heile dette arealet blir lagt ut som VKA, men vel å trekke motsegna.

Sunnadal kommune og Surnadal kommune

Etter det vi kan sjå er det ingen vesentlege endringar for desse kommunane ved andre gangs offentleg utlegging av plandokumentet. Vi registrerer at det er kome inn føresegnar knytt til framtidig fjordkryssing av Todalsfjorden. Vi har ikkje merknader til dette.

Tingvoll kommune

Fleire VKA-område er tatt ut av planen pga. naturverdiar og lokale protestar. Område VKA10 Sandvikholmen vart tatt ut i første runde pga. tryggleik i forhold til ferjesambandet Halså-Kanestraum. Det er no tatt inn igjen i planen, men med rekkefølgeføresegn om at lokaliteten ikkje kan takast fullt i bruk før ferjesambandet er lagt ned. Vi har ikkje merknader til dette.

Konklusjon

Sjøområdeplan for Nordmøre er eit svært omfattande planarbeid. Arealbruken er vurdert uavhengig av kommunegrenser og planarbeidet er meint å gje grunnlag for ei meir heilskapleg planlegging og samordning av dei ulike interessene i sjøområda. Eit felles forvaltingsgrunnlag bør gi moglegheit for ein meir lik forvaltingspraksis. Dette er positivt.

Det reviderte planutkastet har i hovudsak tatt omsyn til våre tidlegare kommentarar og motsegner. Vi viser elles til våre merknader over. Med bakgrunn i dette kan vi tilrå kvar enkelt kommune om å eigengodkjenne planframlegget.

Med helsing

Sveinung Dimmen (e.f.)
samordnar

Lars Kringstad
senioringeniør

Dokumentet er elektronisk godkjent og har ingen signatur.

Kopi:

Smøla kommune	postboks 34	6571	SMØLA
Halsa kommune	Rådhuset, Liabøen	6683	VÅGLAND
Averøy kommune	Postboks 152, Bruhagen	6538	AVERØY
Sunnadal kommune	Postboks 94	6601	SUNNDALSØRA
Møre og Romsdal fylkeskommune	Fylkeshuset	6404	MOLDE
Aure kommune	Postboks 33	6689	AURE
Gjemnes kommune	Rådhuset	6631	BATNFJORDSØRA
Neset kommune	Kråkholmvegen 2	6460	EIDSVÅG I ROMSDAL
Statens vegvesen Region midt	Postboks 2525	6404	MOLDE
Fiskeridirektoratet - forvaltningsseksjonen i region midt	Postboks 185 Sentrum	5804	BERGEN
Kystverket Midt-Norge	Postboks 1502	6025	ÅLESUND
Surnadal kommune	Bårdshaugvegen 1	6650	SURNADAL
Kristiansund kommune	Postboks 178	6501	KRISTIANSUND N
Eide kommune	Rådhuset	6490	EIDE